



მოწვევა კონტრაქტორის შერჩევის პროცესში მონაწილეობის მიღების მიზნით

- მომსახურების საგანი - ტყის მოვლისა და აღდგენის ღონისძევათა პროექტირება და ტყის აღდგენის ღონისძიებების ჩატარება
- მომსახურების დეტალური აღწერა - იხ. დანართი №2
- კომერციული წინადადებების მიღების ბოლო ვადა: 07/03/2019

1. ორგანიზატორი: RMG Copper

2. კონტრაქტორების შერჩევის პროცესში მონაწილე კომპანიები ადასტურებენ თავიანთ თანხმობას ქვემოთ ჩამოთვლილი პირობებით თანამშრომლობაზე და გამოთქვამენ მზადყოფნას, რომ უზრუნველყოფენ სამუშაოთა შესრულებას წარმოდგენილი კომერციული წინადადებისა და დოკუმენტების მიხედვით. შესაძლებელია ამ დოკუმენტში წარმოდგენილი ინფორმაციის მეტად დეტალიზირება და დაზუსტება ორგანიზატორის მიერ.
3. პროცესში მონაწილეობის მსურველმა კომპანიამ უნდა წარმოადგინოს იურიდიული სტატუსის დასადასტურებლად საჭირო დოკუმენტაცია და კომერციული წინადადება

4. მონაწილემ უნდა წარმოადგინოს კომერციული წინადადება შემდეგი პირობების გათვალისწინებით:

- ✓ ენა : ქართული/რუსული/ინგლისური
- ✓ კომერციულ წინადადებაში წარმოდგენილი ფასები ფიქსირებული უნდა იყოს ხელშეკრულების მოქმედების განმავლობაში.
- ✓ პრეტენდენტის მიერ წარმოდგენილი კომერციული წინადადება თანმხლები დოკუმენტაციით უნდა იყოს ხელმოწერილი და ბეჭედდასმული უფლებამოსილი პირის მიერ.
- ✓ კომერციული წინადადება, რომელიც არ აკმაყოფილებს აღნიშნულ მოთხოვნებს, არ იქნება განხილული.

კომერციული წინადადება უნდა მოიცავდეს შემდეგი სახის ინფორმაციას:

- ✓ მომსახურების ღირებულება;
- ✓ გადახდის პირობები;
- ✓ მომსახურების განხორციელების ვადები;
- ✓ განახლებული ამონაწერი საჯარო რეესტრიდან;
- ✓ ინფორმაცია აღნიშნულ სფეროში კომპანიის გამოცდილების შესახებ;
- ✓ რეკვიზიტები (მისამართები, როგორც იურიდიული ასევე ფიზიკური, ფაქტიური, ელექტრონული მისამართი, საბანკო რეკვიზიტები და სხვა.)

კომერციული წინადადებები ძალაში იქნება კონტრაქტორის შერჩევის პროცესის დასრულებამდე. აღნიშნული პროცესი დასრულებულად ჩაითვლება მას შემდეგ, რაც ხელშეკრულებები გაფორმდება მხარეებს შორის.

5. მონაწილე კომპანიის კომერციული წინადადება განხილული იქნება, როგორც საფუძველი კონტრაქტორის შერჩევის პროცესში პოტენციური პრეტენდენტის გამოვლენისათვის.
6. **ანტიკორუფციული პირობები:** პოტენციური პრეტენდენტი, ხელშეკრულების გაფორმების შემთხვევაში ვალდებულია დაემორჩილოს ანტიკორუფციულ პირობებს, რომლებიც წარმოდგენილია დანართში №1
7. **კომერციული წინადადების ჩაბარების პირობები:** ყველა კომერციული წინადადება წარმოდგენილი უნდა იყოს ორგანიზატორის მისამართზე : ქალაქი თბილისი, მ.ალექსიძის ქუჩა #1, შესახვევი #3. წინადადება წარმოდგენილი უნდა იყოს დალუქული კონვერტით

კომერციული წინადადებები შესაძლებელია ასევე წარმოდგენილ იქნეს შემდეგ ელექტრონულ მისამართებზე:

TO- LPirveli@richmetalsgroup.com
CC- ZDzagnidze@richmetalsgroup.com

საკონტაქტო ინფორმაცია:

მატერიალურ-ტექნიკური უზრუნველყოფის დეპარტამენტი:

დირექტორის მოადგილე:

ზურა ძაგნიძე

T +995 599 128 686

მდივანი:

ლილე პირველი

T +995 579 552 051.

8. **ხარჯები.** მონაწილე იღებს პასუხისმგებლობას ყველა ხარჯზე, რომელიც დაკავშირებულია წინადადებებისა და შესაბამისი დოკუმენტაციის მომზადებასა და წარდგენასთან და ორგანიზატორი არცერთ შემთხვევაში არ არის პასუხისმგებელი ამ ხარჯებზე, მიუხედავად შერჩევის შედეგებისა.

9. **საუკეთესო წინადადების შერჩევის კრიტერიუმები:**

მონაწილეთა წინადადებების შერჩევა ხდება შემდეგი კრიტერიუმების გათვალისწინებით:

- ფასი;
- გადახდის პირობები;
- აღნიშნულ სფეროში კომპანიის გამოცდილება და მისი რეპუტაცია ბაზარზე;
- **Rich Metals Group**-ის შიდა ნორმატიულ დოკუმენტებთან და პოლიტიკასთან შესაბამისობა;
- მოთხოვნილი ხარისხით უზრუნველყოფა, პარტნიორობის საფუძველზე გრძელვადიანი თანამშრომლობის შესაძლებლობა;


10. **კონტრაქტორის შერჩევის პროცესის ორგანიზატორის უფლებები და მოვალეობები:** ორგანიზატორი უფლებამოსილია დაადგინოს დამატებითი მოთხოვნები მონაწილეთა მიმართ. იმ შემთხვევაში, თუკი კომერციულ წინადადებაში წარმოდგენილი იქნება არასათანადო ან არასანდო ინფორმაცია, ორგანიზატორი იტოვებს უფლებას, გამორიცხოს ისინი შერჩევის პროცესიდან ნებისმიერ ეტაპზე. კომერციული წინადადებების განხილვის შემდეგ, ორგანიზატორი ოფიციალური წერილით აცნობებს პოტენციურ პრეტენდენტებს, ხელშეკრულების გაფორმების მიზნით მომავალ მოლაპარაკებებზე

დაინტერესების შესახებ. ორგანიზატორი იტოვებს უფლებას, არ გააკეთოს კომენტარი შუალედური თუ საბოლოო გადაწყვეტილების შესახებ. კომერციული წინადადებების ჩაბარების ბოლო ვადამდე, არაუგვიანეს 3 დღისა, ორგანიზატორი უფლებამოსილია შეიტანოს გარკვეული ცვლილებები კონტრაქტორის შერჩევის პროცედურაში და წერილობით აცნობოს ამ ცვლილებების შესახებ ყველა მონაწილეს.

11. შედეგების გადახედვა: თუკი, თანამშრომლობის პერიოდში, რაიმე მიზეზის გამო, კონტრაქტორი ვერ შეძლებს განხორციელოს მომსახურება, რომელსაც ითვალისწინებდა მისი კომერციული წინადადება, მაშინ, ორგანიზატორს ექნება უფლება, ცალმხრივად შეწყვიტოს ან შეაჩეროს ხელშეკრულების მოქმედება და შესაბამისი მომსახურების განხორციელების უფლება გადასცეს სხვა მონაწილე კომპანიას, კონტრაქტორის შერჩევის დამატებითი პროცედურების ჩატარების გარეშე.

12. დანართების ჩამონათვალი:

დანართი № 1 - ანტიკორუფციული პირობები
დანართი № 2 - ტექნიკური დავალება



დანართი № 1

ანტიკორუფციული პირობები

მხარეები თანხმდებიან, რომ წინამდებარე ხელშეკრულებით გათვალისწინებული მოვალეობების შესრულების დროს, მხარეები, მათთან აფილირებული პირები, თანამშრომლები ან/და მათი შუამავლები პირდაპირ ან ირიბად არ მიიღებენ, არ გადაიხდიან, არ შესთავაზებენ გადახდას და არ მისცემენ რაიმე სახის ფულადი სახსრებისა ან ფასეულობების გადახდის უფლებას ნებისმიერ პირებზე, აღნიშნული პირების მიერ გადაწყვეტილების მიღებაზე ან მოქმედებაზე გავლენის მოსახდენად ნებისმიერი სახის არაკანონიერი უპირატესობის მოსაპოვებლად ან/და არაკანონიერი მიზნის მისაღწევად.

წინამდებარე ხელშეკრულებით გათვალისწინებული მოვალეობების შესრულების დროს, მხარეები, მათთან აფილირებული პირები, თანამშრომლები ან/და შუამავლები არ განახორციელებენ მოქმედებას, რომელიც მოქმედი კანონმდებლობით კვალიფიცირებული იქნება, როგორც ქრთამის აღება/მიცემა, კომერციული მოსყიდვა, ასევე სხვა მოქმედება, რომელიც არღვევს კანონმდებლობას და საერთაშორისო სამართლებრივ აქტებს, რომლებიც მიმართულია კანონსაწინააღმდეგო გზით შემოსავლების გათეთრების წინააღმდეგ.

წინამდებარე ხელშეკრულების ყოველი მხარე უარს აცხადებს მეორე მხარის თანამშრომლების რაიმე სახით სტიმულირებაზე, მათ შორის მათთვის ფულადი სახსრების, საჩუქრების გადაცემის, მათთვის უსასყიდლო მომსახურების გაწევის ან რაიმე სხვა გზით, რომელიც აღნიშნულ პუნქტში არაა მითითებული და რომელიც მეორე მხარის თანამშრომელს აყენებს გარკვეულ დამოკიდებულ პოზიციაში და მიმართულია აღნიშნული თანამშრომლის მიერ რაიმე სახის მოქმედების განხორციელებისათვის მისი მასტიმულირებელი მხარის სასარგებლოდ.

„დამკვეთი“ იტოვებს უფლებას, რომ მეორე მხარის მიერ ჩადენილი არაკანონიერი მოქმედებების ან/და წინამდებარე ხელშეკრულების ანტიკორუფციული პირობების დარღვევის შემთხვევაში მოახდინოს: კონტრაქტორთან ურთიერთობაზე გარკვეული სახის შეზღუდვების დაწესება ან/და წინამდებარე კონტრაქტის შეწყვეტა.

მხარეების აცხადებენ, რომ განახორციელებენ ყველა საჭირო მოქმედებას წინამდებარე ხელშეკრულების ანტიკორუფციული პირობების დარღვევების შესაბამისად გამოსაძიებლად და გაატარებენ ეფექტურ ღონისძიებებს გართულებებისა და კონფლიქტური სიტუაციების თავიდან ასაცილებლად.

მხარეები გარანტიას იძლევიან, რომ დაიცავენ სრულ კონფიდენციალურობას წინამდებარე ხელშეკრულებით გათვალისწინებული ანტიკორუფციული პირობების შესრულების დროს და ასევე მიმართავენ ყველა ღონეს, რათა გამოირიცხოს ნეგატიური შედეგები დარღვევის შესახებ შეტყობინების განმარტებული მხარის მიმართ, ასევე აღნიშნული მხარის თანამშრომლების მიმართ, რომლებმაც შეატობინეს დარღვევის ფაქტის შესახებ.



დანართი № 2 ტექნიკური დავალება

ტყის მოვლისა და აღდგენის ღონისძიებათა პროექტირებისა და ტყის აღდგენის ღონისძიებების ჩატარების მომსახურების შესახებ

ს.ს. „RMG Copper“-ი იწვევს დაინტერესებულ კომპანიებს ბუნებრივი განახლების ხელშეწყობის და შერგვის გზით სახელმწიფო ტყის ფონდის ტერიტორიაზე ტყის მოვლისა და აღდგენის ღონისძიებათა პროექტირების, პროექტის სახელმწიფო ტყის ფონდის მართვის უფლების მქონე ორგანოსთან შეთანხმება/დამტკიცების უზრუნველყოფისა და დამტკიცებული პროექტით გათვალისწინებული შესაბამისი ტყის აღდგენის ღონისძიებების ჩატარებაზე მომსახურების გასაწევად გამართულ ტენდერში.

მომსახურების ფორმა და პირობები: ს.ს. „RMG Copper“-ი მომსახურების მისაღებად გააფორმებს ხელშეკრულებას გამარჯვებულ კომპანიასთან და საჭიროების შემთხვევაში დაუკვეთავს სამუშაოებს ეტაპობრივად.

კონტრაქტის ხანგრძლივობა: 5 (ხუთი) წელი;

სამუშაოების მოცულობა: დაუზუსტებელი;

ადგილმდებარეობა: ქვემო ქართლის სატყეო სამსახურის სიონის სატყეო უბნის ფახრალის სატყეოს კვარტალი #22 - ში (#1, 8, 12, 9, 13, 15 და 16 ლიტერებში);

ფართობი: 15 (თხუთმეტი) ჰა.;

დოკუმენტაცია:

გამარჯვებულ კომპანიას მოეთხოვება „ტყის მოვლისა და აღდგენის წესის შესახებ“ საქართველოს მთავრობის 2010 წლის 13 აგვისტოს №241 დადგენილებით დამტკიცებული ტყის მოვლისა და აღდგენის წესის შესაბამისად უზრუნველყოფის:

- არსებული საშუალებების გათვალისწინებით, ტყის ფონდის აღრიცხვისა და მონიტორინგის მასალებისა და სხვა სპეციალური გამოკვლევების საფუძველზე ბუნებრივი განახლების ხელშეწყობის და შერგვის გზით სახელმწიფო ტყის ფონდის ტერიტორიაზე ტყის მოვლისა და აღდგენის ღონისძიებათა პროექტირება ქვემო ქართლის სატყეო სამსახურის სიონის სატყეო უბნის ფახრალის სატყეოს კვარტალი #22 - ში (#1, 8, 12, 9, 13, 15 და 16 ლიტერებში);
- მომზადებული ტყის აღდგენის პროექტის სახელმწიფო ტყის ფონდის მართვის უფლების მქონე ორგანოსთან შეთანხმება / დამტკიცება;
- დამტკიცებული პროექტით გათვალისწინებული შესაბამისი ტყის აღდგენის ღონისძიებების (პროექტის მიხედვით, მაგ. აღსადგენი ტერიტორიის შეღობვა, ქვეტყის გამოხშირვა ან მთლიანად მოცილება, ტყისპირისა და სუბალპური მეჩხერი ტყეების მოვლა, ნერგების დარგვა, თესვა, ბუნებრივი განახლების ხელშეწყობა და რეკონსტრუქცია) ჩატარება;
- აუცილებელი მრავალწლიანი მოვლა 5 (ხუთი) წლის განმავლობაში მაქსიმალური გახარებადობის უზრუნველსაყოფად;
- პროექტით გათვალისწინებული სხვა ღონისძიებების განხორციელება;

შენიშვნა: ტყის აღდგენის პროექტი წარმოდგენილი უნდა იყოს როგორც დაბეჭდილი (3 ეგზემპლარად), ასევე ელექტრონული სახით.

მოთხოვნები პრეტენდენტებისადმი:

1. პრეტენდენტმა უნდა წარმოადგინოს თითოეული ღონისძიების მისეული ხედავ და სამუშაოების მოკლე ჩამონათვალი;
2. პრეტენდენტმა უნდა წარმოადგინოს კომერციული წინადადება ერთეული ფასის საფუძველზე თითოეული ზემოთ ჩამოთვლილი ღონისძიებისათვის:
 - პროექტირება (პროექტირების და შეთანხმების ფასი);
 - დარგვა / ხელშეწყობა (ერთი ნერგის დარგვის ფასი, რომელშიც გაერთიანდება ხელშეწყობისათვის განსაზღვრული ღონისძიებების ფასი);
 - მოვლა (ერთი საველე გასვლის ფასი);
3. გამოცდილება: ტყის მოვლისა და აღდგენის ღონისძიებათა პროექტირების და ტყის აღდგენის ღონისძიებების ჩატარების არანაკლებ 5 წლის გამოცდილება (გარდა სს RMG Copper - თან გაფორმებული ხელშეკრულებებისა) (დოკუმენტური სახით);
4. ჩატარებული სამუშაოები: არანაკლებ 3 დასრულებული პროექტი, რომელიც ადასტურებს რომ ტყის მოვლისა და აღდგენის ღონისძიებათა პროექტირების და ტყის აღდგენის ღონისძიებების ჩატარებასთან დაკავშირებული სამუშაოები ჩატარებულია მოთხოვნის შესაბამისად მაღალ - პროფესიულ დონეზე.

გამარჯვებულმა კომპანიამ გაფორმებული ხელშეკრულების მოქმედების პერიოდში უნდა დაიცვას ხელშეკრულებით ნაკისრი ვალდებულებები / პირობები და მათ შესრულებაზე შემსყიდველ ორგანიზაციას წარუდგინოს ინფორმაცია 6 (ექვსი) თვეში ერთხელ ან მოთხოვნისთანავე;